

**Khairy umum pertahan jawatan Ketua Pemuda Umno  
Malaysian Insider  
Aug 18 , 2013**

Khairy Jamaluddin Abu Bakar (gambar) mengumumkan hari ini untuk mempertahankan jawatan Ketua Pemuda Umno yang disandangnya sekarang dalam pemilihan Umno akan datang.

Pengumuman itu dibuat semasa acara rumah terbuka di Kampung Ulu Gadong, Rembau.

Khairy, 37, dipilih sebagai Ketua Pemuda Umno sejak 2008.

Beliau menewaskan Menteri Besar Kedah Datuk Mukhriz Mahathir dan bekas Menteri Besar Selangor Dr Mohd Khir Toyo dalam pertembungan tiga penjur.

Sebelum ini, seorang pemimpin akar umbi Pemuda Umno dari Seputeh Mohd Razlan Muhammad Rafii mengumumkan akan bertanding jawatan itu jika Khairy tidak mempertahankannya.

Sebelum ini menantu kepada bekas perdana menteri Tun Abdullah Ahmad Badawi itu sering berdolak balik mengenai kedudukannya sebagai ketua pemuda Umno.

Sebelum ini Ketua Wanita Umno Datuk Seri Shahrizat Jalil sudah mengumumkan untuk mempertahankannya.

Beliau akan dicabar oleh bekas Ketua Puteri Umno Datuk Seri Azalina Othman. - 18 Ogos, 2013.

Hakcipta © 2013 The Malaysian Insider

Source:

<http://www.themalaysianinsider.com/bahasa/article/khairy-umum-akan-pertahan-jawatan-ketua-pemuda-umno>